

Xajon ra tsikínda ítjòn jè Juan

Jesús, jè 'Én ra síkíjnakon inìma-ná

1 ¹Jè Jesús, jè 'Én ra síkíjnakon-ná ra tíjna-ni skanda tì'sa tjà'tsin-la kjoa. Tanga 'ndì 'ndì, ijyeé kò'sín ina'yá-lajin, kò xkoàn kijcha-najin, kò nda kjón ichitsíjen-lajin, kò tì'koaá ichaájndò-nájin. ²Jè 'Én rakìi, kijcha tsijeén-la. Kò kijcha-nájin. Kò ngi kjoakixi-ní ra inchi'bènajmí-jin ra a'ta 'tse. Kò tì'koaá inchi'bènajmíya-lajin ra jiòn-jiòn jè 'Én ra síkíjnakon inìma-ná nita kjiá-nioo. Jè 'Én rakìi, 'kia nga tì'sa ítjòn, yaá tíjna'ta-la Nainá. Tanga 'ndì 'ndì, ijyeé tsatsíjen tsijen-najin. ³Inchi'bènajmí-lajin kjoa ra kijcha-jin kò ra ina'yá-jin mé-ni nga 'koa tì'sín ngásòn nda kítsajnajtién ra jién koni 'sín ijye nda titsajnajtín-keé Nainá ra Na'ín-ná ma kò I'ndí-la ra Jesucristo. ⁴Kíí xá inchibinda-lajin xajon rakìi mé-ni nga jngó kjá ngi tà kjotsjaá katasakó ki'ta-la inìma-ná.

Jè Nainá kjoahisen-ní

⁵Kíí 'sín tjín jñá 'én ra tsakón-ya-najin Jesucristo, kò kíí-ní ra kò'sín nakjoáya-jin: Jè Nainá, tà kjoahisen-ní ra jè. Ra a'ta 'tse, tsin ra kjoajndò. ⁶Tsa kixé nga yaá nda titsajnajtín-keé



Jngo nil' isen

Nainá, tanga tsa yaá inchiníjchá-ná ijo-ná ya ñánda nga jñò chon, ñánda tjín kjoa'cho, 'én ndisoó ra inchinakjé; mì tsa kjoakixi-ní ra inchi'nié. ⁷Tanga tsa yaá titsajneé ñánda isen chon, koni 'sín jè Nainá yaá tjina ya ñánda isen chon, ndaá titsajnajtién kò xàngieé, kò jè jní-la Jesucristo ra l'ndí-la Nainá ma, sítsje ijyeé jñà jé ra tjín-ná.

⁸Tsa kixé: “Tsin-na jé ra 'an”, tjién inchibindoča-lá ijo-ná; mì tsa kjoakixi-ni ra inchibixé. ⁹Tanga tsa 'kénajmí ijye-lá Nainá jè jé ra tjín-ná, komaá jè kjó'tatakén nga sihijcha'ta-ni jè jé ra tjín-ná kò sitsje ijo-ná nga'tsi kjoa'cho ra inchi'nié. Nga jè Nainá sihitjasòn 'én-la ra jè, kò ngi kjoakixi-ní ra 'sín. ¹⁰Tanga tsa kixé: “Kjè sa india jé batsjía ra 'an”, jé Nainá ndiso inchinachrjengieé, kò mì tsa kixi-ni kjoa nga makjín-ná jè 'én-la.

Kó'sín jè Cristo ma ra chjatjí-ná ya ngixkòn Nainá

2 ¹Jìòn ra koni tsa ndí ixti-na xin-no, kíí xá tíbindá-no jè xajòn rakìi, mé-nì nga mì tj tsja jé kjótsji-no. Tanga tsa tjín jngo xita ra tíbátsji-jé-la ijo-la, jé Nainá sihijcha'ta-la, nga tjina jngo-ná xita ra chjatjí-ná ya ngixkòn Nainá, jè ra 'mì Jesucristo ra ngi xita kixi. ²Jesucristo kitsjà kjotjó ijo-la nga 'ken ngajo-ná, mé-ni nga koma sihijcha'ta-ná jñà jé-ná, tanga mì tsa tà jién ra sihijcha'ta-ná; tj'koaá sihijcha'ta ijyeé-la nga'tsi xita ra tjín nga tjítsa isà'nde.

Jè kjotéxoma 'tse kjoaťsjacha

³Tsa nda sihitjasén kjotéxoma-la, maá kjingo-lá takén nga ijyeé ndaá 'yaxkeén ra jè. ⁴Tsa tjín xita ra tsò: “'An, ijyeé nda bexkoon ra jè”, tanga tsa mì kì nda tísíhitjasòn-ni kjotéxoma-la, xita ndiso-ní; tsin-la ra kjohixi. ⁵Tanga tsa nda tjinihitjasén koni 'sín nga tsò 'én-la ijyeé 'ño nda tjín-ná kjotsjacha-la Nainá, kò 'koaá 'sín ma-ni nga 'ya-la nga kixí kjoa nga jè Cristo titsajna^kéé. ⁶Jè xita ra tsò nga yaá tjinako Cristo, machjeén-ní nga kò'sín katasíjchá ijo-la koni 'sín ki'sìn Jesucristo.

Kjotéxoma xitse

⁷Jìòn ndí 'ndsé kò ndí tichjeé, jè kjotéxoma ra tíbindá-no, mì tsa ngi kjotéxoma xitse-jìn; tjé-ni kjotéxoma ra ki'tsi-no nga

'sa ítjòn 'kia nga tì'sa kjokjiín-no. Jè kjotéxoma jchínga rakìi, tìjé-ni 'én ra asa ina'yá jiòn nga tì'sa ítjòn. ⁸Tanga 'ndi 'ndi, 'koaá 'sín tíbindá-no koni tsa jngo kjotéxoma xitse. Nga, ra a'ta 'tse Cristo, kijchaá-la nga xitse-ní kò tì'koaá tí'yaá-te-la ra a'ta tsajiòn. Nga ijyeé tíbato kjoa ra jñò tjin, kò ijyeé tí'ya-la ra ngi kixi kjoa nga kjoa isen tjin.

⁹Tsa jngo xita kò'sín tsò nga 'koaá 'sín tísíjchá ijo-la koni 'sín tjin kjoa isen-la Nainá, tanga tsa jtikeé tísín-ni xita xákjén ra tì'koa a'ta 'tse Cristo makjiín-la, mì tsa kixi-ni kjoa nga isen tísíjchá ijo-la, takó yaá tijnajin-ni ya ñánda nga jñò chon. ¹⁰Jè xita ra tsjake xita xákjén ra tì'koa a'ta 'tse Cristo makjiín-la, 'koaá 'sín tísíjchá ijo-la koni 'sín tjin kjoahisen-la Nainá. Jè xita rakìi, mì tsa tì mé tjin-ni ra ma koaàtsji-jé-la. ¹¹Tanga jè xita ra jtike xita xákjién ra tì'koa a'ta 'tse Cristo makjiín-la, yaá tjna, kò yaá tsá'baya ya ndiyá ñánda nga jñò chon. Mì kì be ñánda tifi, nga jè kjoajñò, tjíchjàjin-la inima-la.

¹²Jiòn ra ndí ixti 'mì-no, tíbindá-no jè xajon rakìi, nga a'ta 'tse Cristo-ní nga ijye isihijcha'ta-no Nainá jñà jé ra tjin-no.

¹³Jiòn ra xita jchínga 'mì-no, tíbindá-no jè xajon rakìi, nga ijyeé kijchaxkon jè Jesucristo ra tjna-ni skanda tì'sa tjà'tsin-la isà'nde. Jiòn ixti ra 'sa inchiníjchá ijo-no, tíbindá-no jè xajon rakìi, nga ijyeé inikijne-la jè xita-ní. Jiòn ra ndí ixti 'mì-no, ijyeé ítsikindá-no jè xajon rakìi nga ijye kijchaxkon jè Nainá ra Na'in 'mí-lá.

¹⁴Ijyeé ítsikindá-no xajon, jiòn ra xita jchínga 'mì-no, ta ngatji-la nga ijyeé kijchaxkon Jesucristo ra tjna-ni skanda tì'sa tjà'tsin-la isà'nde. Tì'koaá ijyeé ítsikindá-no jiòn ixti ra 'sa inchiníjchá ijo-no, ta ngatji-la nga tjin-no nga'ño kò ijyeé ya tijnajin inima-no jè 'én-la Nainá kò ijyeé inikijne-la jè xita-ní.

¹⁵Kì jñà matsjacha jñà kjoa ra tjin ya isà'nde. Tsa yá xita ra matsjake jñà kjoa ra tjin ya isà'nde, mì tsa kixi-ni kjoa nga matsjake Nainá ra Na'in 'mí-lá. ¹⁶Nga'tsi kjoa'cho ra jè isà'nde bí'ta-ná, mì tsa ya nchrabá-ni a'ta 'tse Nainá ra Na'in 'mí-lá. Tí'yaá tísinda-ni i isà'nde. Jñà kjoa'cho ra tjin ya isà'nde, jñà kì: kjoa'cho ra síjé ijo-ná, kjoa ra tsijen-la xkén nga mején-ná tsajién 'kín-lá, kò kjoa'ngatakòn ra 'tse kjoanchiná. ¹⁷Nga'tsi kjoa'cho ra tjin ya isà'nde, kò kjoa ra ya faajin-ná, ijyeé ta tíbato-ní, tanga jè xita ra síhitjasòn koni 'sín mejèn-la Nainá, kíjnakon-ní skanda tà mé nichjin-ni.

Jè ra kjoḥixi ko ra kjoa ndiso

¹⁸ Jiòn ra ndí ixti xin-no, ijyeé tifehe'ta nichjin. Ijyeé tjíjin-no nga kjíí jngo xita ra ngi kondra tijná-la Cristo. Ko nichjin 'ndi 'ndi ijyeé ko'sín 'nó kjìn ma-ni ra kondra inchifi-la Cristo. 'Koaá ma-ni nga ko'sín machiya-ná nga ijyeé tifehe'ta nichjin. ¹⁹ Jñà xita kii, ti íí itjokàjin-ná, tanga ra kixi kjoa mì tsa ngi xita tsajién ma, nga tsa kixií-la kjoa nga xita tsajién, íí-la títsajnakó-ná. Tanga kií ko'sín itjokàjin-ná jñà xita kii mé-ni nga nda kjòn-ní kata'ya-la nga nga'tsi xita ra ko'sín kondra fi-la Cristo mì tsa ngi xita tsajién.

²⁰ Jè Jesucristo, ra xita tse, ijyeé kitsjà-no jè Inìma Tsje-la Nainá; 'koaá 'sín ma-ni nga nga'tsi-najìon ijyeé nda tjíjin-no kó'sín tjin ra kjoakixi. ²¹ 'Koaá ma-ni nga ko'sín tìbindá-no xajon, nga ijyeé nda tjíjin-no; mì tsa ki-ni nga kjè 'ya jiòn ra kjoakixi. Ko ijyeé nda 'ya jiòn nga nijngo 'én ndiso ya nchrabá'ta-ni ra a'ta 'tse kjoakixi.

²² ¿Yá-ni ra xita ndiso? Jè-ní ra bí'ma nga tsò: “Jè Jesús mì tsa jè-jìn ra Cristo, [mì tsa Nainá isìkasén-jìn].” Jé xita rakii ra kondra fi-la Cristo nga jngó kjá mì kì makjiín-la ra a'ta 'tse Nainá ra Na'ín-ná ma ko a'ta 'tse Jesucristo ra I'ndí-la Nainá. ²³ Nga'tsi xita ra jngó kjá mì kì makjiín-la a'ta 'tse I'ndí-la Nainá, mì tsa Nainá ra Na'ín-ná ma tijnako. Tanga jè xita ra makjiín-la ti'koa tsjá 'én-la nga jè Jesús ra I'ndí-la Nainá, yaá tijnako Nainá ra Na'ín-ná ma.

²⁴ Kíí ko'sín xin-no, ndaá tijin takòn ya inìma-no jè 'én ra a'ta 'tse Cristo ra ko'sín ijye ina'yá jiòn skanda ti'sa ítjòn. Tsa ko'sín nda kíjin takòn jiòn ya inìma-no, ti'koaá ndaá kitsajnakoo Nainá ra Na'ín-ná ma ko I'ndí-la. ²⁵ Jesucristo, 'koaá 'sín ijye kitsjá 'én-la nga tsjá-ná kjobinachon ra mì fehe'ta nita kjiá-nioo.

²⁶ Kíí xá tìbindá-no jè xajon rakii mé-ni nga ma jchaxkon-no jñà ra mejèn-la nga skoóndacha-no. ²⁷ Tanga jiòn, ijyeé tjíjin ya inìma-no jè Inìma Tsje-la Nainá ra kitsjà-no Jesucristo. Mì ti kì machjeén-ni tsa yá ra kòkòn-ya-no. Nga jè sabá Inìma Tsje-la Nainá 'keènajmíya-no kó'sín tjin nga'tsi kjoa ra nda tjióon. Koni 'sín nga kòkòn-ya-no, 'én kixi-ní, mì tsa 'én ndiso-jìn. Ko'sín nda títsajnajtín'ta ki'ta-la Jesucristo, koni 'sín nga síchiya-no Inìma Tsje-la Nainá.

²⁸ Jiòn ra ndí ixti xin-no, ko'sín nda titsajnajtínko Cristo, mé-ni nga 'ñó tjín-ni takén ko mì kì tsa kosabà-ná 'kia nga jè ra kitjojen india-ni ján ngajmi. ²⁹ Koni 'sín ijye tjjin-no nga jè ra Cristo, xità kixi-ní ya ngixkon Nainá, 'koaá tj'sín nda katasijin-te-no, nga nga'tsì xità ra kjoakixi 'sín ya ngixkon Nainá, i'ndí-là Nainá-ní.

Ixti-là Nainá

3 ¹ Nda katasijin-no, 'ñó nda matsjake-ná Nainá ra Na'ín-ná ma, 'koaá ma-nì nga ixti-là tsó-ná. Ko ngi kixi kitíi kjoa nga ixti-là Nainá 'mì-ná. 'Koaá ma-ni nga jñà xità isà'nde, mì kì makjiín-là tsa ixti-là Nainá 'mì-ná, tà ngatjì-là nga jñà xità kìi, mì kì makjiín-là ra jñà, a'ta 'tse Nainá. ² Jiòn ndí 'ndsé ra matsjake-no, 'ndí 'ndí ijyeé i'ndí-là Nainá 'mì-ná. Tanga kjè tsa nda bakón-ná Nainá kó'sín kjòn kameé ra askan-nioo. Tanga ijyeé tjjin-ná nga 'koaá 'sín kjòn kameé koni 'sín 'ki ra jè Jesucristo 'kia nga kijchò nichjin nga jè ra kj'íi india-ni; nga jchaxkon-ná ra jè koni 'sín 'ki kjòn-ni. ³ Nga'tsì xità ra ko'sín inchikoá nga 'koaá 'sín kjòn koma koni 'sín 'ki ra jè Jesucristo, nichjin nchijón-ní nga tsje inchisíjchá ijo-là koni 'sín nga xità tsje ra jè Jesucristo.

⁴ Nga'tsì xità ra bátsji-jé, kondra fi-là kjotéxoma-là Nainá. 'Kia nga ko'sín fatsji-jé iseé, jé kjotéxoma-là Nainá tjinachrjengieé. ⁵ Jiòn, ijyeé tjjin-no nga jè Jesucristo kií xá 'ji-ni nga jè faháxìn-ná jñà jé ra tjín-ná. Ko 'ya-najiòn nga jè Jesucristo njngo jé tsakátsji ra jè. ⁶ Nga'tsì xità ra Cristo tjnakò, mì tsa bátsji-jé-jìn; tanga jñà xità ra bátsji-jé, takó kjè kì bexkon ko tj'koaá mì kì tjjin-là yá-ni ra 'mì Jesucristo. ⁷ Jiòn, ra ndí ixti-ná xin-no, kì bi'nde nga yá ra skoóndacha-no. Jè xità ra kjoakixi 'sín ya ngixkon Nainá, xità kixi-ní, koni 'sín nga xità kixi jè Cristo. ⁸ Tanga jè xità ra ki'ta nichjin tíbátsji-jé, 'tse xità-ní-ní. Nga jè xità-ní, 'koaá 'sín tíbátsji-jé ra jè skanda tj'sa tjà'tsin-là isà'nde. Ko kií xá 'ji jnchro-ni Jesucristo ra i'ndí-là Nainá nga jè ma-là sìkítsón-ña jè kjoa'cho ra 'sín jè xità-ní.

⁹ Nga'tsì xità ra ijye Nainá isikaatjìya-là nga i'ndí-là Nainá ma, mì tsa tj ya tjtsajnajin-ni jé. Nga ijyeé yaá tjnjain inìma-là jè Inìma Tsje-là Nainá. Ko mì kì tj ma-ni nga koátsji-jé-isa, nga ijyeé i'ndí-là Nainá-ní. ¹⁰ 'Koaá 'sín ma-nì nga

'yaxkon-là yá-ní ra ixti-là Nainá kò yá-ní ra ixti-là xita-ní; nga'tsi xita ra mì kì ma-là s'hitjasòn kjoakixi 'tse Nainá, ti'koa mì kì tsjake 'sín xita xákjén ra ti'koa a'ta 'tse Cristo makjiín-là, mì tsa i'ndí-là Nainá-jìn.

Ngásòn ngáya tsjacha 'sieén xàngieé

¹¹ Nga 'koaá 'sín tíchja jè 'én ra ijye ina'yá jìòn 'kia nga ti'sa kjokjiín-no nga 'sa íjtòn nga tsò: Ngásòn ngáya tsjacha 'sieén xàngieé. ¹² Mì kì kò'sín 'sieén koni 'sín ki'sín jè xita ra ki'mì Caín nga jè xita-ní kiji'ta-là nga isì'ken 'ndse. ¿Mé-nì nga isì'ken-nì 'ndse? Tà kií ngatjì-là nga jè 'ndse, xita kixi-ní ya ngixkòn Nainá kò jè Caín 'choó tjín kjoa ra 'sín ra jè.

¹³ 'Koaá ma-ni nga kò'sín tíxin-no jìòn ndí 'ndse, kì tà chjàn maxkón-no tsa jtike-no xita isà'nde ra mì kì makjiín-là 'én-là Nainá. ¹⁴ Jién ijyeé tjíjin-ná nga ijyeé ítojokajieén ya ndiyá kjobiya ra ya timayeé kjotseé kò ijyeé tjín-ná kjobinachon ra mì kì fehe'ta skanda tà kjiá-nioo. Nga ijyeé kò'sín nda tsjacheé jñà xàngieé ra ti'koa a'ta 'tse Cristo makjiín-là. Jè xita ra mì kì tsjake xákjén, ndiyá kjobiyaá tsá'baya jè inìma-là. ¹⁵ Nga'tsi xita ra jtike xita xákjén, 'koaá 'sín jngoya-ilà koni tsa xita sí'ken. Jìòn, ndaá 'ya, jè xita ra kò'sín xita sí'ken, mì tsa jè kjobinachon ra mì fehe'ta tísjchájin ijo-là. ¹⁶ Jién, 'koaá 'sín 'ya-ná mé ra 'mì kjotsjacha 'kia nga jè Jesucristo kitsjá kjotjò ijo-là nga 'ken ngajo-ná. Jién, 'koaá ti'sín machjeén nga 'sieén ra jién ra a'ta 'tse xàngieé koni 'sín ki'sín jè Cristo. ¹⁷ Tsa tjín jngo xita ra tjín-là jñà tsajmì ra tímachjeén ki'tá-ná, tsa ske jngo xita xákjén ra ti'koa a'ta 'tse Cristo makjiín-là nga tsìn-là tsajmì ra machjeén-là, tsa mì kì ma-là nga kosiko jè xita xákjén ra a'ta 'tse tsajmì ra tsìn-là, mì tsa kixi-ni kjoa nga kjotsjacha-là Nainá tjínajin ya inìma-là. ¹⁸ Jìòn ra ndí ixti-na xin-no, tsjacha 'tiòòn xàngioo, kì tà 'én ra kò'sín nakjoá jìòn, ngi ndaá kata'ya kiti-là kó'sín nga tsjacha 'sion jñà xàngioo nga tisiko'ta mé ra machjeén-là mé-ni nga kata'ya-là nga kixi kitií kjoa nga nda tsjacha jìòn xàngioo.

'Nó tjín takén ya ngixkòn Nainá

¹⁹ 'Kia nga kò'sín inchi'nié, 'kiaá jcha kiti-ná ra jién nga kixií kjoa nga 'koaá 'sín inchiníché ijo-ná koni 'sín tjín kjoa kixi-là Nainá kò níkjina'nchán-ná inìma-ná ya ngixkòn Nainá. ²⁰ Ní'sín

jè inìma-ná tíbánè jé-ná, tanga jè Nainá, isaá nda tǵjǵin-là ra jè nda mí 'koa-ni koni jè inìma-ná. Nga jè Nainá isaá nda tsijen ijye-là nga'tsi kjoa ra inchi'nié. ²¹ Jiòn ndí 'ndsé ra matsjake-no, tsa jè inìma-ná mì tsa tǵ mé kjoa'cho tíbánè-ná, 'nǵ tǵjǵin takén ya ngixkǵn Nainá. ²² Tsa mé ra sijé-lá Nainá, maá-là tsjá ijye-ná tà mé kǵjonda-ni; nga nihitjasón-ná kǵjotéxoma-là, kǵ 'koaá 'sín 'nié koni 'sín sasén-là ra jè. ²³ Jè kǵjotéxoma-là Nainá ra mejèn-là nga nda síhitjasén: jé-ní nga nda katakǵjǵin-ná a'ta 'tse Jesucristo ra l'ndí-là ma, tǵ'koa nga ngásòn ngáya tsjacha 'sieén xàngieé koni 'sín ijye tsatéxoma-ná Cristo. ²⁴ Jè xǵta ra síhitjasòn kǵjotéxoma-là Nainá, yaá tǵjnakǵ Nainá, kǵ jè Nainá yaá tǵjnajin inìma-là xǵta rakǵi. 'Koaá 'sín ma-ni nga 'yee nga Nainá yaá tǵjnakǵ-ná tà ngatǵjǵi-là nga ijyee kitsjá-ná jè Inìma Tsje-là.

Jǵnà ra kondra fi-là Cristo

4 ¹ Jiòn ndí 'ndsé ra 'nǵ matsjake-no, kǵ taxkǵ makǵjǵin-no a'ta 'tse nga'tsi xǵta ra tsò nga jè Inìma Tsje-là Nainá síchiya-là 'én ra chǵa. Ítjòn chǵí'ta jiòn, a kixǵ kitǵ kjoa a jè Inìma Tsje-là Nainá tíschiya-là 'én ra chǵa, ǵ ra majǵn-ní. Nga jǵnà nichǵjin ra titsajneé 'ndǵ 'ndǵ, tǵjǵin jchán xǵta ndiso ra tǵjmasòn ya isà'nde ra tsò nga jè Nainá tsjá-là 'én ra inchi'bénajmíya. ² Jè xǵta ra 'keènajmǵ nga jè Jesucristo í kitsin ya a'ta nangi, kǵ xǵtaá kǵjomà koni jién, jè xǵta ra kǵ'sín 'keènajmǵ, jè-ní ra tǵjǵin-là Inìma Tsje-là Nainá. Yaá jndáa jchǵ-nǵjǵiòn yá xǵta-ni ra jè Inìma Tsje-là Nainá tíschiya kiti-là 'én ra tǵchǵaya. ³ Tanga jè xǵta ra mì kǵ kǵ'sín 'keènajmǵ nga jè Jesucristo í kitsin ya a'ta nangi, kǵ xǵtaá kǵjomà koni jién, jè xǵta ra kǵ'sín tsò, tsǵn-là Inìma Tsje-là Nainá. Xǵta rakǵi, jé tísichjeén kǵjǵbǵtsjen-là xǵta ra tǵjna ítjòn nga kondra fi-là Cristo. Ijyee asa ina'yá-nǵjǵiòn nga kǵ'íí-ní jè ra kondra fi-là Cristo, kǵ nichǵjin ra titsajneé 'ndǵ 'ndǵ ijyee kǵ'sín tísíxá kǵjǵbǵtsjen-là.

⁴ Jiòn ra ndí ixti-na xǵn-no, ijyee xǵta-là Nainá 'mǵ-nǵjǵiòn; ijyee jiòn inikijne-la jǵnà xǵta ra kǵ'sín 'én ndiso chǵaya; mì kǵ tǵ ma-ni tsa jǵnà skoóndacha-no, nga jè Inìma Tsje-là Nainá ra tǵjnajin ya inìma-nǵjǵiòn, isaá tse nga'nǵ tǵjǵin-là nda mí 'koa-ni koni jè kǵjǵbǵtsjen 'tse xǵta-ní ra síxǵjǵin inìma-là xǵta ra mì kǵ makǵjǵin-là a'ta 'tse Cristo. ⁵ Jǵnà xǵta kǵi, tà jǵnà tǵtsajnakon-ni

kjobítsjen ra tjín ya isà'nde; 'koaá ma-ni nga ko'sín chja ko jñà 'nchré-la xita ra ti'koa kjobítsjen 'tse isà'nde síchjeén. ⁶Tanga ra jin, xita-la Nainá-nájin. 'Koaá ma-ni nga jñà 'nchré-nájin jñà xita ra makjiín-la 'én-la Nainá. Tanga jñà ra mì tsa xita-la Nainá ma, mì kì tsa jin sísin-nájin. 'Koaá 'sín ma-ni nga maá 'ya-ná yá-ni ra ngi jè Inìma Tsje-la Nainá tísichiya-la ra ngi kjoakixi ko yá-ni ra inìma ndiso-la ní tìkondacha-la.

Nainá 'nó tjín-la kjotsjacha

⁷Jión ndí 'ndsé ra 'nó matsjake-no, machjeén-ní nga ngásòn ngáya tsjacha 'sieén xàngieé, nga jè ra kjotsjacha, a'ta 'tse Nainá nchrabá-ni. Nga'tsi xita ra tjín-la kjotsjacha, i'ndí-la Nainá-ní ko ti'koaá be-ní yá-ni ra Nainá. ⁸Jè xita ra mì kì matsjake xita xákjén, kjè kì be yá-ni ra Nainá, nga jè Nainá kjotsjacha-ní. ⁹'Koaá 'sín tsakón-ná Nainá kjotsjacha ra tjín-la ra a'ta tsajién nga kisikasén i'ndí-la i isà'nde, jè i'ndí-la ra ta jè tajngo ma-ni, mé-ni nga a'ta 'tse ma nda kitsajnakon-ná. ¹⁰Kií 'sín tjín kjotsjacha ra tsakón Nainá ra a'ta tsajién: Mì tsa ki-ni nga jién nda matsjacheé Nainá. Jè Nainá ra 'nó nda matsjake-ná. 'Koaá ma-ni nga isikasén i'ndí-la nga 'ken ngajo-ná, mé-ni nga sihijcha'tá-ná jñà jé ra tjín-ná.

¹¹Jión ndí 'ndsé ra matsjake-no, tsa jè Nainá ko'sín 'nó nda matsjake-ná, machjeén-ní nga 'koa ti'sín kotsjacheé xàngieé nga jngó jngó-ná. ¹²Ni kjè sa jngo xita xkon be-ni Nainá, tanga tsa nda kotsjacheé xàngieé nga jngó jngó-ná, jè Nainá yaá tíjnajin ki'ta ya inìma-ná ko a'ta tsajién-ná nga nda tíbitjasòn ijye kjotsjacha-la Nainá. ¹³Nainá ijye kitsjá-ná Inìma Tsje-la. 'Koaá 'sín ma-ni nga ijyeé 'yeé nga kji'tá nichjin ya titsajnakeé Nainá ko yaá tíjnako-te-ná Nainá nga tíjnajin ya inìma-ná. ¹⁴Ngajin sabá kijcha-jin ko 'bí-nájin 'én-nájin nga jè Nainá ra Na'in 'mí-lá isikasén i'ndí-la nga jè kochrjekàjin kjohi'in ra kjoa 'tse jé-la nga'tsi xita isà'nde. ¹⁵Nga'tsi xita ra ngi ko inìma-la tsjá 'én-la nga jè Jesús ra i'ndí-la Nainá, kji'tá nichjin ya tíjnako Nainá ko jè Nainá yaá tíjnajin inìma-la.

¹⁶Ijyeé ko'sín nda 'yeé, ko ti'koa makjiín-ná, nga jè Nainá tjín-la kjotsjacha ra a'ta tsajién. Nga jè Nainá kjotsjacha-ní. Ko jè xita ra kjotsjacha tíjnajin ki'ta ya inìma-la, yaá tíjnako Nainá ko jè Nainá yaá tíjnajin inìma-la xita rakì. ¹⁷Kia nga a'ta tsajién ko'sín nda tíbitjasòn ijye kjotsjacha-la Nainá,

'nó tjin takén ra jién nga mì tsa tì mé skon-ná jè nichjin 'kia nga sindajín-la xita ra kjoa 'tse jé-la. Nga jién, 'koaá 'sín nda inchi'nié i isà'nde koni 'sín ki'sín jè Jesucristo. ¹⁸Ya nãnda nga tjin ra kjotsjacha, mì tsa tì mé kjoskon tjin-ni. Nga jè ra ngi kjotsjacha kjohixi, faháxìn-ní nga'tsi ra kjoskon 'mì. Jè xita ra tsakjón, kjohi'íín-ní ra títsakjón-la. Kò jè xita ra takó kjoskon tjin inìma-la, kií-ní nga kjè tsa nda tjin ya inìma-la jè kjotsjacha-la Nainá.

¹⁹Kií kò'sín matsjacha-ná Nainá, ta ngatji-la nga jè kjotsjake ítjòn-ná. ²⁰Tsa tjin xita ra tsò: “An, matsjake-ná Nainá.” Tanga tsa jtikeé tí'sín-ni xita xákjén ra tì'koa a'ta 'tse Cristo makjiín-la, jè xita rakì, xita ndiso-ní. Tsa mì kì matsjake xita xákjén ra xkòn tíbe-ni, kó'sín ma-ni kotsjake Nainá ra kjè tsa xkòn be-ni. ²¹Jè kjotéxoma ra kitsjá-ná Jesucristo, 'koaá 'sín tsò: Jè ra matsjake Nainá, machjeén-ní nga tì'koa katamatsjake xita xákjén ra tì'koa a'ta 'tse Cristo makjiín-la.

Nikijne-lá kjoa 'tse isà'nde

5 ¹Ijyeé ixti-la Nainá-ní nga'tsi xita ra ngi kò inìma-la makjiín-la nga jè Jesús, [jé-ní ra Nainá isikasén], jé-ní ra Cristo. Kò nga'tsi xita ra tsjake ra na'in tjna-la, tjinè-la nga tì'koaá kotsjake nga'tsi ixti-la na'in-la. ²'Kia nga matsjacheé Nainá, kò tì'koa nihitjasén kjotéxoma-la, 'ya-ná nga tì'koaá inchimatsjachaá-teé jñà ra ixti-la Nainá ma. ³Kií 'sín tjin tsa kixi kjoa nga matsjacheé Nainá, jè-ní nga nda sñhitjasén kjotéxoma-la. Kò jè kjotéxoma-la, mì tsa 'nó i'in bitjasòn-ni. ⁴Nga nga'tsi xita ra ixti-la Nainá ma, síkijneé-la nga'tsi kjoa'cho ra tjin ya isà'nde. Kií ma nikijne-ilá kjoa ra tjin ya isà'nde tà ngatji-la nga yaá makjiín-ná ra a'ta 'tse Cristo. ⁵Niyá ra ma sñkijne-la jè kjoa'cho ra tjin ya isà'nde, tajngoó-ní jè xita ra makjiín-la a'ta 'tse Jesús, nga jè-ní ra I'ndí-la Nainá ma. Jè-ní ra chíkjoa-la nga síkijne.

Jè ra tsjá kixi 'én a'ta 'tse I'ndí-la Nainá

⁶Jé-ní Jesucristo ra 'ji i isà'nde. Kò 'kia nga 'ji, jé nandá kò jní ra nda tsakón. Kò mì tsa tà jè nandá ra tsakón, koó-te jè jní. Kò jé Inìma Tsje-la Nainá ra 'bénajmí kixi yá-ni ra jè. Nga jè Inìma Tsje-la Nainá, ngi kjoakixi-ní ra jè. ⁷Kò jàn ma-ni ra ngi tsjá kixi 'én-la ra a'ta 'tse kjoa kií. ⁸Jè Inìma Tsje-la

Nainá, jè nandá, kò jè jní. Kò ngajàn kii, ngàsòn tsò. ⁹Tsa makjiín-ná jñà 'én ra tsjá ra xitá isà'nde, machjeén-ní nga isa nda kòkjiín-ná 'én ra jè saba Nainá títsjá. Nga jè 'én ra títsjá, jé tí'bénajmí yá kjàn-ni ra I'ndí-lá. ¹⁰Jè ra ngi kò inìma-lá makjiín-lá a'ta 'tse I'ndí-lá Nainá, yaá tjjin inìma-lá nga kixí kjoa 'én ra tsjá Nainá. Tanga jè ra mì kì makjiín-lá a'ta 'tse Nainá, jé Nainá, ndiso tíbachrjengi, ta ngatji-lá nga mì kì makjiín-lá jè 'én ra tsjá Nainá ra a'ta 'tse I'ndí-lá. ¹¹Jè 'én ra kitsjà Nainá, jè-ní nga jè Nainá tsjá-ná kjobinachon ra mì fehe'ta nita kjiá-nioo. Kò jè kjobinachon rakii, yaá sakó-ná ra a'ta 'tse I'ndí-lá. ¹²Jè xitá ra I'ndí-lá Nainá tíjnajin ya inìma-lá, tjín-lá kjobinachon ra mì fehe'ta nita kjiá-nioo; tanga jè xitá ra mì tsa I'ndí-lá Nainá tíjnajin inìma-lá, tsin-lá kjobinachon rakii.

'Én ra fehe'ta-ni

¹³Jìòn ra makjiín-no a'ta 'tse I'ndí-lá Nainá, kií xá tíbindá-no jè xajon rakii mé-ni nga nda katasijin-no nga ijyeé tjín-no kjobinachon ra mì kì fehe'ta skanda ta mé nichjin-ni.

¹⁴Koaá 'sín ma-ni nga 'nó tjín takén 'kia nga nakjoá'ta-lá Nainá. 'Koaá 'sín nda kji'nchré-ná tsa ko'sín sijé'tá-lá koni 'sín nga sasén-lá ra jè. ¹⁵Tsa ijye ko'sín tjjin-ná nga Nainá 'nchré-ná 'kia nga tsa mé ra níjé-lá, tí'koaá ijyeé 'ya-ná nga tí'kiaá kò'tsia-ni nga tsjá-ná 'kia nga ko'sín sijé-lá.

¹⁶Tsa yá xitá ra ske jngo xitá xákjén ra tí'koa a'ta 'tse Cristo makjiín-lá nga ya tíkajin jñà jé ra mì tsa kjobiya fiko-ná, maá katabítsa'batji, kò jè Nainá tsjá-lá kjobinachon jè xitá ra tíbátsji-jé. Tanga tà jñá-ní ra koxin-lá nga ma sìtsa'batji jñà xitá ra mì tsa ngi kjobiya kji'ta-lá jñà jé ra inçhibátsji. Nga tjín jé ra kjobiya fiko-ná, kò 'koaá 'sín xiaan nga mì tsa machjeén nga sìtsa'batji jè xitá ra kotjín jé ra tíbátsji. ¹⁷Tanga nga'tsi kjoa'cho ra 'sín xitá, saba jé-ni ya ngixkon Nainá. Tanga tjín-ní jñà jé ra mì tsa kjobiya fiko-ná.

¹⁸Ijyeé tjjin-ná nga jñà ra ixti-lá Nainá ma, mì tsa tí ya tjítsajin-ni jé, nga jé Jesús ra I'ndí-lá Nainá ma, tjíkinda-lá, kò jè xitá-ní, mì kì tí mé ma 'cho síko-ni.

¹⁹Ijyeé 'ya-ná nga ixti-lá Nainá 'mí-ná ra jíén; tanga jñà xitá ra mì kì makjiín-lá a'ta 'tse Cristo ra tjín nga tjítsa isà'nde, jè xitá-ní tíbatéxoma-lá.

²⁰Ti'koáá 'ya-ná nga kií xá 'ji-ni jè I'ndí-lá Nainá i a'ta nangi nga jè nda isìchiya-ná mé-ni nga ma 'yaxkeén ra ngi jè saba kjón-ni Nainá. Kò yaá titsajnakéé jè ra ngi jè saba Nainá tà ngatjì-lá nga ya titsajnakéé Jesucristo ra I'ndí-lá ma, ra tijé saba-ni Nainá kò ra ma-lá tsjá-ná kjobinachon ra mì fehe'ta nita kjiá-nioo. ²¹Jìon ra ndí ixti xin-no, kì jñá mangítjìngi-la jñà nainá ra bexkón xita ra mì tsa kixi-ni kjoa nga Nainá.